

# Imigassaq pillugu politikki

---

Imigassaq pillugu inatsimmi imigassanik aalakoornartortalinnik tuniniaanermut sassaallertarnermullu killissarititai aalajangersarneqarput. Imigassanik aalakoornartortalinnik atuinerup inuiaqatigiinnut tamanut inuttaasunullu ataasiakkaanut ajoqusiisinnaanerata killilersimaarnissaa inatsimmi anguniarneqarpoq.

Kommunalbestyrelsimut imigassaq pillugu akuersissummik qinnuteqarnermi, akuersissummik qinnuteqartoq imigassaq pillugu politikki iluarsaataq qinnuteqaammut ilanngunneqassaaq. Imigassaq pillugu politikimi nassuiaatigineqassaaq imigassaq pillugu akuersissummik qinnuteqartoq akisussaassuseqartumik sassaallerneq tuniniaanerlu qanoq qulakkeerniarneqarnersoq. Ima paasillugu imigassanik aalakoornartortalinnik sassaallernerme tuniniaarnermilu inatsit malinneqartoq, taamaalillunilu imigassaq pillugu suliaaqqarfimmi pitsaaliuinerme sulianut allanut naapertuuttoq.

Imigassaq pillugu politikki imigassanik aalakoornartortalinnik tuniniaanermi sassaallertarnermilu killissarititanik isumatusaartunik pilersitsiviussaaq. Inuusuttut unnuaanerani imerniartarfinnut isikulasarput. Imigassaq pillugu politikki unnuaanerani toqqissimasumik pissusilersortoqarnissaanut peqataaqataassaaq – minnerunngitsumik inuusuttut eqqarsaatigalugit – aammalu nakuusernernik, ajutoornernik ingasattajaarluni aalakoornernik pinaveersaartitsissalluni.

Imigassaq pillugu politikimit aamma qulakkeerneqassaaq ukiukitsunut inunnullu aalakoorpallaanut sassaallertoqannginnissaa. Imigassaq pillugu politikki pitsaasoq killissarititanik malittarisassanillu ersarissumik oqaasertalersugaassaaq sulisunit malissallugu pisariitsoq. Politikip ulluinnarni sulinerme atornerqarsinnaanissaa aammalu suliffimmi ilisimaneqarnissaa pingaaruteqarpoq, taamaalilluni sulisut taanna malillugu sulisinnaaqqullugit.

Politikimi allaaserineqassapput sassaallertarfiup periusii, najoqqutarisassai isumaalu makku qiutillugit:

- Imigassaq pillugu inatsisip malinneqarnissaa
- Sulinerme avatangiisinik toqqissisimanartunik pitsaasunillu pilersitsinissaaq
- Aaqqiagiinnginnernik nakuusernernillu pitsaaliuinissaaq sulissutiginninnissarlu

Imigassaq pillugu politikip:

- Pitsaasumik isumannaatsumillu sassaallernissaaq/tuniniaanissaaq ukioqqortussutsimillu nakkutilliinissaaq qulakkiissavaa
- Sulisunut isertunut/pisinianut toqqissimassutaassaaq
- Aqutsisumit sulisunillu akuerineqarsimasariaqassaaq

# **Sassaallertarfinni ataasiaannartumik atuuttussamik akuersissutinilu imigassaq pillugu politikki**

## **Piffissat sassaalliisinnaatitaaffiit**

Qaqugu imigassamik sassaalliineq ammasassava?

Qanoq iliornissamut piareersaatit suut suliarinikuuvagut imigassamik sassaalliineq ammasarfiit inatsimmi allassimasut malissagutsigit?

## **Akerleriittunik aqutsinnaaneq**

Qanoq iliussaagut akkerleriittoqalerpat, soorlu paggittoqalerpat, ajuallannartunik suaartartoqalerpat, isersimasut akornanni imaluunniit isersimasut sulisullu akornanni siorasaarisogalerpat?

Qanoq iliornissamut suut piareersassavagut akkerleriinnerit pinaveersaartissagutsigit?

## **Inatsimmi 18-it inorlugit ukiulinnut tunngasumut malinneqarnissaannik qulakkeerinnineq**

Inuttut uppernarsaatini takunninnissaq eqqarsaatigalugu qanoq periuseqarpugut?

Qanoq qulakkiissavarput inuusuttut 18-it inorlugit ukiullit inersimasumik akisussaassuseqartumik ingiallorteqarnatik sassaallertarfimmiinnginnissaat?

Qanoq qulakkiissavarput inuusuttunut 18-it inorlugit ukiulinnut imigassanik aalakoornartortalinnik sassaallertoqannginnissaa?

**Inatsimmi takuneqarsinnaasumik aalakoortunut tunngasumut qulakkeerinnineq**

Qanoq qulakkiissavarput isertugut aalakoorpallaalinnginnissaat/takuneqarsinnaasumik aalakoorpallaalinnginnissaat?

Isertut takuneqarsinnaasumik aalakoortut qanoq itigartissavagut?

Amerlasuukkaanik sassaallerneq qanoq isumaqarfigissavarput (tassa imaappoq inummut ataatsimut imigassanik arlalippassuarnik ataatsikkut tunisisarneq)?

## **Sulisut**

Qanoq qulakkiissavarput imigassaq pillugu politikip sulisunit ulluinnarni takuneqarsinnaallunilu atorneqarnissaa?

Qanoq qulakkiissavarput sulisugut imigassamik suliaqartut nittartakkakut "Certifikat.gl"-mi akisussaassusilimmik sassaalliinissamut pikkorissarsimanissaat angusillutillu?

Qanoq qulakkiissavarput imigassaq pillugu akuersisummik piginnittoq sulisullu sulinerminni imigassamik aalakoornartortalimmik isersimasut peqatigalugit aminnginnissaat?

## **Imigassamik ussassaarineq**

Qanoq iliornissamut suut piarersassavagut inatsit imigassamik ussassaarinermut tunngasoq malissagutsigu?